

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

Zaključak o produženju roka za donošenje konačnog rješenja

Sarajevo
februar, 2011. godine



Broj: 01-04-26-005-II/10
Sarajevo, 09.02.2011. godine

Na osnovu člana 25. stav (1) tačka d), člana 41. stav (2) i člana 42. stav (2) Zakona o konkurenciji ("Službeni glasnik BiH", br. 48/05, 76/07 i 80/09) i člana 210. Zakona o upravnom postupku ("Službeni glasnik BiH", br. 29/02, 12/04, 88/07 i 93/09), Konkurencijsko vijeće na 8. (osmoj) sjednici održanoj dana 09.02.2011. godine, je donijelo

ZAKLJUČAK **o produženju roka za donošenje konačnog rješenja**

Produžuje se rok za donošenje konačnog rješenja za dodatna 3 (tri) mjeseca, u postupku koji se vodi pred Konkurencijskim vijećem po Zaključku o pokretanju postupka, broj: 01-04-26-005-8-II/10 od dana 13.10.2010. godine, radi utvrđivanja postojanja zabranjenog sporazuma, u smislu člana 4. stav (1) tačke a), d) i e) i zloupotrebe dominantnog položaja, u smislu člana 10. Zakona o konkurenciji.

O b r a z l o ž e n j e

Konkurencijsko vijeće je zaprimilo, dana 22.2.2010. godine pod brojem: 01-04-26-005-II/10, Zahtjev za pokretanje postupka (u daljem tekstu: Zahtjev) privrednog subjekta Radiotelevizija Bosne i Hercegovine, Bulevar Meše Selimovića broj 12, 71000 Sarajevo, Bosna i Hercegovina (u daljem tekstu: Podnosilac zahtjeva ili BHTV) protiv privrednih subjekata Radiotelevizija Federacije BiH, Bulevar Meše Selimovića broj 12, 71000 Sarajevo (u daljem tekstu: FTV), Pink BH Company d.o.o, Račanska 98, Bijeljina (u daljem tekstu: PINK BH), Mreža plus d.o.o., Ćemaluša 4, Sarajevo (u daljem tekstu: MREŽA), OBN d.d., Humska 1, 71000 Sarajevo (u daljem tekstu: OBN), Hayat TV, Jošanička 55, Vogošća, Sarajevo (u daljem tekstu: HAYAT), zbog sumnje o postojanju zabranjenog sporazuma iz člana 4. stav (1) tačke a), d) i e) Zakona o konkurenciji (u daljem tekstu: Zakon) i zloupotrebe dominantnog položaja, u smislu člana 10. istog Zakona.

Uvidom u dostavljeni Zahtjev, Konkurencijsko vijeće je utvrdilo da isti nije kompletan u smislu člana 28. Zakona, i člana 2. tarifni broj 106. stav 1. tačke (e) i (f) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", broj 30/06).

Podnosilac zahtjeva je dopunio Zahtjev traženom dokumentacijom, te je Konkurencijsko vijeće izdalo Potvrdu o prijemu urednog i kompletnog Zahtjeva, u smislu člana 28. stav (3) Zakona, aktom broj: 01-04-26-005-6-II/10 dana 6.10.2010. godine.

Na osnovu dostavljene dokumentacije Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona na koje Podnosilac zahtjeva poziva, te je donijelo Zaključak o pokretanju postupka, broj: 01-04-26-005-8-II/10 dana 13.10.2010. godine.

Budući da se u predmetnom postupku radi o strankama sa suprotnim interesima, Konkurencijsko vijeće, u skladu sa članom 39. stav (1) Zakona, zakazalo je usmenu raspravu za dan 14.12.2010. godine, ali ista nije održana jer je Podnosilac zahtjeva dostavio zahtjev za odgodu iste.

Konkurencijsko vijeće je uvažilo predmetni zahtjev kao opravdan, te zakazalo novu usmenu raspravu, u skladu sa članom 39. stav (4) Zakona, koja je održana dana 27.1.2011. godine.

Budući da na usmenoj raspravi Podnosilac zahtjeva nije iznio svoje očitovanje o činjenicama bitnim za dalji postupak u vezi stranaka u postupku, istom je ostavljen dodatni rok za dostavljanje istoga.

Imajući u vidu naprijed navedeno, kao i da je za utvrđivanje činjeničnog stanja i ocjenu dokaza potrebno izvršiti dodatne analize, kao i eventualno zakazati novu usmenu raspravu, Konkurencijsko vijeće je produžilo rok za donošenje konačnog rješenja za dodatna 3 (tri) mjeseca, u smislu člana 41. stav (2) Zakona, te je odlučilo kao u dispozitivu ovog Zaključka.

Pouka o pravnom lijeku

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema ovog Zaključka, odnosno od dana njegove objave.

Predsjednik

dr. Stjepo Pranjić